


www.BibleForChildren.org


मत्ती 8




फिरी दो दिन बाद गलील प्रदेशे दे काना शेहर च कुसकी दा बियाह
था, कने यीशुए दी माता भी ओथु थी। यीशु कने उदे चेले भी उसी
बियाह च सदया थे।



जालू दाखरस घटी गिया, तां यीशुऐ दिया माता उसला बोलया, "की इना बाल दाखरस नी रिया।" पर उदिया माता सेवकां ने बोलया, "जड़ा कुछ सै तुहांजो बोलगा, सेई करनयो।"




यीशुए उना ने बोलया, "घड़यां च पांणी भरी दिया।"
उना घड़यां जो उपरे दीकर भरी दिता। तालू यीशुए
उना जो बोलया, "हूंण पाणी निकाली करी धामा दे
प्रधाने बाल लेई जा।" सेबकां तियां ही कितया जियां
उना जो करणे ताई बोलया।



जालू धामा दे प्रधाने सै पांणी चखया, तां सै दाखरस बणी गिया था
कने उसयो नी पता था की सै कुथु ला आया है; पर जिना सेवकां पांणी
कडया था सै जाणदे थे, तां धामा
दे प्रधाने लाड़े जो सदीकरी,
उसयो बोलया। हर इक माणु
पेहले सबना ला खरा दाखरस
दिन्दा है, कने जालू लोक
उसयो पी करी रजी जांदे न,
तालू घटिया बाला
धाखरस दिन्दा है; पर
तू सबना ला बदिया
दाखरस हले दीकर
रखया है।





यीशुऐ गलील प्रदेशे दे काना
शेहर च अपणा ऐ पेहला
चमत्कार दसी करी अपणी
महिमा दसी कने उदे चेलयां
उस पर भरोसा किता की सै
ही मसीह है।



कने यीशु जालू पतरसे दे घरे पुज्जा, तां उनी
उदिया ससु जो बिस्तरे च पिया दिखया कने
उसा जो बुखार चढया था।



कने उनी उसा दा हथ छुता कने उसा दा बुखार उतरी गिया, कने सै उठी करी उदी सेवा करणा लगी पेई।



उसी रोजे संझा दे बकते
जालू सब्ते दा दिन मुकी
गिया, उदे नगरे च मते
लोक बिमार थे कने जिना
च बुरियां आत्मा थियां,
उना सारयां जो यीशुणे
बाल लेई आये। मते सारे
लोक घरे दे दरबाजे सामणे
गिठे होई गये।




उनी मतयां जो जिना जो बड़े प्रकार दियां बिमारियाँ थियां, उना जो ठीक किता, कने मतियां बुरियां आत्मा कडी दितियां, कने बुरियां आत्मा जाणदियां थियां की ऐ परमेश्वर दा पुत्र है, उना जो बोलणे दा हुकम नी था।




कने सारे उसयो छूणा चांदे थे, क्योंकि उसला शक्ति निकलदी थी जड़ी
सबना जो ठीक करदी थी।



कने इक धरंग होयो मरीजे जो चार माणु मंझे पर चुकी करी उदे बाल
लेई आये।



पर जालू सै भीड़ा दिया बजा ला यीशुऐ
बखे नी जाई सके, तां उसा छती जो जिसा
हेठ सै बैठया था, उना से पुटी करी रस्ता
बणाई दिता, कने जालू सै पुटी बैठे, तां उना
उसयो मंझे समेत छती ला थले
लटकाई दिता।




यीशुए उना दा भरोसा
अपणे उपर दिखीकरी,
उस धरंग होयो मरीजे
जो बोलया, हे पुत्र, "मैं
तेरे पापां जो माफ
किता।" "मैं तिजो
बोलदा है की, उठ, कने
अपणे मंझे जो चुक कने
अपणे घरे जो चली
जा।"



जालू सै किस्तिया पर चढया, तां उदे चेले उदे पिच्छे चली आणे। कने
इकदम झीला च तूफान चलणा
लगी पिया कने किस्ति लैहरां ने
डूबणा लगी पेई, कने यीशु
सुतया था।



यीशुए उना जो बोलया, "हे अल्पविश्वासियों, कजो डरा दे न?" तालू उनी उठी करी पांणिए कने तुफाने जो झिड़कया, कने सब कुछ शान्त होई गया। कने सै सारे हेरान होए कने बोलणा लगगे, "कि ऐ कदिया माणु है? ऐथू दीकर कि तूफान कने लैहरां भी इदा हुकम मंदे ना।"



"क्योंकि परमेश्वरे संसारे दे लोकां ने ऐसा प्यार
किता की उनी अपणा इकलोता पुत्र देई ता,
ताकि जड़ा कोई उस पर भरोसा करे, उदा नाश
ना होऐ, पर उसयो हमेशा दी जिन्दगी मिल्ले।"



रोमियो 3:23 इस ताई की सारयां पाप कितया है कने परमेश्वरे दी उस
महिमा ला दूर न जड़ी परमेश्वर दिंदा है,

रोमियो 6:23 क्योंकि पाप दा नतीजा मौत है, पर सै बरदान जड़ा
परमेश्वर सांझो दिन्दा है, सै हमेशा दी जिन्दगी है जड़ी साड़े प्रभु यीशु
मसीह च है।

इब्रानिया 9:27 क्योंकि ऐ पक्का है की असां सारे लोकां इक बरी मरणा,
कने उदे बाद साड़ा न्याय होणा।

इफिसियों 2:8,9 क्योंकि जालू तुसां भरोसा किता तां परमेश्वरे अपणे
अनुग्रह ने तुहांजो बचाई लिया है, कने तुसां अपणे आप जो नी बचाया
पर ऐ परमेश्वरे दा दान है; कने ना ही तुहाड़े किते भले कम्मा दिया बजा
ने है कने इस ताई तुहाड़े बाल घमंड करणे दी कोई बजा नी है।



रोमियो 10:9,10 इस ताई अगर तू अपणे मुऐ ला यीशु मसीह जो प्रभु मन्नी लेदां है कने अपणे मने ने भरोसा करे, की परमेश्वरे उसयो मरयां चे जिन्दा कितया है, तां पक्का परमेश्वरे तिजो बचाणा। जालू असां अपणे मने ला भरोसा करदे न तां असां परमेश्वरे असां परमेश्वर दी नजरा धर्मी बणदे न, कने जड़ा भरोसा असां अपणे मने च कितया उसयो मुऐ ला बोलदे न, तां असां बचाये जाणे ना।

यूहन्ना 3:16,17 "क्योंकि परमेश्वरे संसारे दे लोकां ने ऐसा प्यार किता की उनी अपणा इकलोता पुत्र देई ता, ताकि जड़ा कोई उस पर भरोसा करे, उदा नाश ना होऐ, पर उसयो हमेशा दी जिन्दगी मिल्ले। क्योंकि परमेश्वरे अपणे पुत्रे जो संसारे दे लोकां पर सजा देंगे ताई नी भेजया है, पर इस ताई भेजया की उदे जरिये संसारे दे लोकां दा उद्धार होऐ।



1 यूहन्ना 5:11-13 कने सै गबाई ऐ है, की परमेश्वरे सांझो हमेशा दी जिन्दगी दितियो है कने सांझो ऐ हमेशा दी जिन्दगी परमेश्वरे दे पुत्रे ला मिल्ली है। जड़ा पिता परमेश्वरे दे पुत्र यीशु मसीह जो अपनांदा है, उदे बाल हमेशा दी जिन्दगी है; कने जड़ा परमेश्वरे दे पुत्रे जो नी अपनांदा है, उदे बाल हमेशा दी जिन्दगी भी नी है। मैं तुहांजो ऐ सब इस ताई लिखया है की तुसां, जड़े परमेश्वरे दे पुत्रे पर भरोसा करदे न, की तुहांजो पता लगगे की हमेशा दी जिन्दगी तुहाड़ी है।



मत्ती 8-9; मरकुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Bhattiyali NT (bht) (भट्टियाली नोआ नियम), 2020 by The Love Fellowship is licensed under a Creative Commons Attribution-ShareAlike 4.0 International License.

<https://www.bible.com/bible/3245/MAT.1.BHTNT>

©2026 Bible for Children, Inc.

www.M1914.org

www.bibleforchildren.org

